

notetur illativa nota, qua docemur commentationem iudicii divini nos à sceleribus vindicare, *Rom. 14.* Tametsi parentes tui virgæ & flagello parcant, tametsi Magistratus gladius in vagina conditus rubiginem contrahat: tamen Dei iudicium non dormit, mel voluptatum tuarum excipiet fel & absynthium iudicii divini; & de juvenum hac libidinosa voluptate verè affirmatur, quod *Salomon* in Proverbiis tradit, illam in luctu desinere, *Prover. 14. 13.*

Deinde notandum, conatum & contentionem summam notari verbo removendi, vide *18. Ezech.* ubi jubentur homines propria corda renovare, hîc igitur nervi intendendi sunt juvenibus, hîc vires exercendæ. Huc verò refer illud quod describit *1. Joan. 2. 13. 14.* quo hic locus mirificè exornatur. Deinde notandum, puritatem requiri animo simul & corpore, *1. Cor. 7.* Deniq; hîc adjecta ratione occurrit objectioni: Quid? an voluptates amittam toto juventutis tempore? Respondeo, atque adolescentia res vana & momentanea velut aurora; cùm enim vita hominis diei cõparetur, tùm adolescentia auroræ assimilatur. Atq; si vita in milesimum annum producta, tantùm quasi vigilia reputatur, quo loco erit juvenus, vide *1. Joan. 2. 17.* Quamobrem ita transigatur ut fructum aliquem post se relinquat,

quat,